

# Dianchúrsa ullmhúcháin i gCruinneas na Gaeilge, 4 Feabhra – 5 Bealtaine 2012: Cianfhoghlaim

Beidh deis ag daoine nach mbeidh in ann freastal ar na seisiúin sa seomra ranga an Dianchúrsa Ullmhúcháin i gCruinneas na Gaeilge a dhéanamh. Tá eolas tugtha anseo faoin gcur chuige a bheidh i gceist.

## Obair an chúrsa

Beidh ar na mic léinn an obair a luaitear thíos a chur i gcrích. Beidh deis acu ceisteanna a chur go leanúnach ar fhóram an chúrsa ar ranganna.com faoin obair a bheidh idir lámha acu. Déanfaidh Éamonn Ó Dónaill agus teagascóirí eile an chúrsa a gcuid ceisteanna a fhreagairt agus beidh deis ag na mic léinn cabhrú lena chéile chomh maith trí mheán an fhórait.

Seo iad na cineálacha éagsúla oibre a bheidh le déanamh ag na mic léinn thar lear:

- Aonaid a léamh as téacsleabhar an chúrsa, *In Ord is in Eagar* le hAntain Mac Lochlainn, agus tabhairt faoi cheachtanna an leabhair. (Beidh an leabhar seo le ceannach ar siopa.ie ar €20, móide postas.)
- Staidéar a dhéanamh ar aonaid de chuid an chúrsa ‘Cruinneas sa Ghaeilge’ ar ranganna.com agus ceachtanna idirghníomhacha ar líne a dhéanamh. Tabharfar aiseolas dóibh go huathoibríoch.
- Staidéar a dhéanamh ar aonaid de chuid an chúrsa ‘Tusa agus do Ríomhaire’ ar ranganna.com agus ceachtanna idirghníomhacha ar líne a dhéanamh. Tabharfar aiseolas dóibh go huathoibríoch.
- Roinnt ceachtanna (e.g. aistriúcháin agus léamh profaí) a dhéanfar sna seisiúin Sathairn a chur ar aghaidh chuig an teagascóir ar an ríomhphost.

Tá eolas tugtha thíos faoin sceideal oibre a bheidh ag na mic léinn a bheas ag tabhairt faoin gcúrsa ar bhonn cianfhoghlama.

Cuirfear físeáin ar fáil ar ranganna.com tar éis na seisiún Sathairn ina dtabharfar eolas maidir leis an obair a rinneadh, ceisteanna a tháinig chun cinn sa rang, etc.

## Obair an chúrsa: sceideal

*In Ord is in Eagar*

Dáta	Obair le bheith déanta ag na rannpháirtithe faoin dáta sin
4 Feabhra	Níl aon obair le déanamh roimh an gcéad seisiún lae.
3 Márta	Staidéar déanta ar Aonad 2, Aonad 3 agus Aonad 4 den leabhar agus na ceachtanna go léir déanta.
31 Márta	Staidéar déanta ar Aonad 5, Aonad 6 agus Aonad 7 den leabhar agus na ceachtanna go léir déanta.
5 Bealtaine	Staidéar déanta ar Aonad 8, Aonad 9 agus Aonad 10 den leabhar agus na ceachtanna go léir déanta.

**Nóta:** Tá freagraí na gceachtanna go léir le fáil ag deireadh an leabhair.

*Cúrsaí ar ranganna.com*

Dáta	Obair le bheith déanta ag na rannpháirtithe faoin dáta sin
4 Feabhra	Níl aon obair le déanamh roimh an gcéad seisiún lae.
3 Márta	Staidéar déanta ar Aonad 1–Aonad 8 de <i>Gramadach gan Stró!</i> ar ranganna.com agus na ceachtanna go léir déanta. Staidéar déanta ar Aonad 1 agus Aonad 2 de <i>Tusa agus do Ríomhaire</i> ar ranganna.com agus na ceachtanna go léir déanta.
31 Márta	Staidéar déanta ar Aonad 9–Aonad 16 de <i>Gramadach gan Stró!</i> ar ranganna.com agus na ceachtanna go léir déanta. Staidéar déanta ar Aonad 3 de <i>Tusa agus do Ríomhaire</i> ar ranganna.com agus na ceachtanna go léir déanta.
5 Bealtaine	Staidéar déanta ar Aonad 17–Aonad 25 de <i>Gramadach gan Stró!</i> ar ranganna.com agus na ceachtanna go léir déanta. Staidéar déanta ar Aonad 4 agus Aonad 5 de <i>Tusa agus do Ríomhaire</i> ar ranganna.com agus na ceachtanna go léir déanta.